

伤科补要

印
刷
品

福建中医学院图书馆

地址：福州市模兜

岐黃之書大抵詳於內而畧於外傷科者
又外科之外別為一書者也然沿海風俗
往往好鬥傷人不得其法其害有不可
勝言者庚午之冬予因訪同年王君是之
大尹來海上適有以是不見示者而間加披
讀見其於部位手法縷析條分既不忍
私之於一己遂欲付剞劂以傳之天下後世

此其存心濟世與古人不為良相而為良
醫者有同揆焉予適有杭州之川未暇
詳為之序因畧誌數言以見其概云
嘉慶庚午仲冬前翰林院庶吉士刑部
安徽司主事山左于克家拜觀



觀夫天地之生人也。死生壽夭至無定
矣。子安定而寓有定者。莫若醫。與方醫
者。意也。方者法也。能神明其意於法
之中。則死者生。夭者壽。所以立生人
之命。即所以補天地之憾。醫之為用大
矣哉。願人身受病風寒暑濕各有不

同大抵失其調養所致醫者按脈切
究審病施方不難次第奏功至傷科
一門非諸疾可比譬如操舟行江河
輒遇風濤開頭換舵存亡看睫之間
倏不能急為轉移烏足云行其仁術
也予向出宰粵西時偶值民間鬥

毆傷身命懸呼吸欲求一良醫挽救
不可得目擊年情形使我心惻恒嘆扁
鵲華佗之屬不再見也辛未春因
訪同年王交峰大尹來申江聞有松
溪錢君者精治傷科輯而成編持
危扶顛名噪一時予雖未諳醫理

此觀古人傷科諸書或紛繁滋惑
或簡略不詳及洵是編分門別類辨
識精明且更繪象考形俾穴部骨
度毫厘不爽讀是編者可以不煩
思索而瞭如指掌誠不愧濟世之仁心
所謂居者治道行者之資也巧者

制器拙者之利也其裨益後學功
用何如豈盜名欺世荒誕不經者所
可同日語哉

嘉慶壬申春三月

賜進士出身前任廣西知平南縣
事山左張範東撰



何和補身
卷一
三

何和補身
卷一
三

何和補身
卷一
三

序

良醫出而不患天札醫書成
而可綿心傳病者賴醫而醫
者賴書以精其業術書詎不
重矣哉內科之書汗牛充棟

外科之書亦夥若所謂傷科
之書則不少槩見且夫疾之
伏於內者淺延腠理深居膏
肓其患岐而理微醫之良者
視色視毫毛其術難而施易

誤著書者推闡精蘊各名其
家故其書層出而不窮發為
癰瘍者次之若傷也者由外
至其深淺重輕可按視而得
也為術或稍易焉書之不多

見其以是與余司民社有年
矣民健聞而訟聞而死者在
在有之每見垂斃人舁卧堦
下血糝糊氣息纔屬輒惻然
不忍亟視急呼醫蓋傷者死

剗毆者抵法孤其子寡其婦
兩家均焉幸而得全則兩家
賴焉當是時兩家之命懸於
醫或淺深重輕失其情投藥
違節醫之不良莫可挽救故

嘗亦思得其書以傳其精詣
之微妙上海精是者曰錢生
呈其書曰傷科補要余讀而
善之又以傷科書僅見而珍
之也嗟乎築室而不成者道

謀之誤之也習焉而不極者
多師之禁之也內科之書解
古說而如聚訟矣主其所見
矜其所得而執偏矣似是而
非熒學者之心目而惑之矣

讀之者非貫滙諸家參互其
義而擇之精辨之詳鮮不失
焉今傷科書不多見是書傳
而世得其濟也得無轉勝於
多書者與獨著而刪煩有是